

AD QVODLIBETARIAM.

QVÆSTIO MEDICA.

MATVTINIS EXCVTIENDA DISPVATIONIBVS IN SCHOLIS MEDICORVM DIE IOVIS 4. IANVARIII M. FRANCISCO DV PORT MODERATORE PRVDENTISSIMO.

An ὁ κρᾶτον αἶμα τριψισμum.

QUATUOR principum partium temperie, hominis æstimanda temperies, quæ qualis sit se notis prodit: nam in calido sicco cerebro exquisiti sensus, vigiliæ plurimæ, capitis calor, facies rubicundior, excrementa nulla vel pauca, pili ortu primo nascuntur crispi & nigri: in calido humido calor & color in facie florens & viuus, ampliores venæ iuxta oculos, excrementa copiosa, accurati parum sensus, somnus vigilijs interceptus, plenus imaginum: huic calidarum & humidarum rerum vsus cum Austro bellum indixit: sed pro eo stant frigida sicca cum Aquilone qui corpora facit solida & ad motum expedit: in frigido sicco sensus ætate primâ accuratior, qui tamen sensum marcescit in secundâ: ætatilque progressu si siccitas frigiditatem vicerit caluities, si contra, canities oritur: in frigido humido, venæ delitefcunt, tumet cum liuore facies, sensus tardior, somnus altior, catharrus frequentior.

COR pulsu, pulsus tactu iudicatur: si enim magnus & frequens calidum siccum, si velox & mollis calidum humidum, si durus & paruus frigidum siccum, si mollis & piger frigidum humidum. sanguinis paritas, bilis copia, corporis siccitas, calidum siccum iecur arguunt at verò sanguinis vbertas, venarum amplitudo, præcordiorum hirtuties, calidum humidum: hoc putridis, illud biliosis opportunum morbis. Qui calidam siccam genitalium partium temperiem sortiti sunt, statim ab Ephebis affectant Venerem, quâ satiantur facillimè, semen ab ijs fecundum ad masculos: qui calidam humidam, liberiorè Veneris vsu non læduntur, semine abundant vberiore: quibus autem hæ partes frigida humidæ sunt, ij non proni ad muliebrem copulam, semen tenue, aquosum, infæcundum nisi ad fœmellas: quibus frigida sicca, paruam sed tamen crassum semen.

ÆTATIBVS sua sunt temperamenta, quæ singula singulis anni quadris & humoribus respondent, vt Adolescentia sanguinea Veri, Inuentus biliosa Æstati, Inclinans ætas melancholica Autumno, Senectus pituitosa Hyemi, quorum temperamentorum si congener morbus fuerit oppugnator rarissimè futurus est expugnator: nec tamen obstat quin temperamentum quodlibet sui præferat faciem morbi: & quamuis calidi humidi temperamento bonam temperamenti speciem præ tribus alijs sortiti sint, ideoq; salubrius viuere, facilius nutrirî Æstate & Hyeme melius habere videantur: Synanchæ tamen, Distillationi, Hæmorrhoidibus, Peripneumonij, laterum Compunctionibus, Ophthalmijs sunt obnoxij: non secus ac calidi siccî febribus ardentibus quos in accessione, & ante accessionem impune cibare poterimus.

CONITIENDÆ sunt vel ex totius corporis habitu [pinguiore siquidem frigidi, corpulentiores calidi] vel ex operationibus, vel ex regionibus, vel ex coloribus temperaturæ, inter quas calida humida longissimæ, frigida sicca breuissimæ vitæ censenda est: Athletarum verò, licet hi bonis abundant humoribus, viresque robustas habeant, non bonus, sed periculosus corporis est habitus, propter luxuriantem humoris copiam, quæ tamen non nisi cautè Medico soluenda est, ne plus periculi in euacuatione nimia, quam in primâ repletionem contingat aliquando: debet itaque Medicus sanitatis opifex, omnem eò suam operam ducere, vt quamuis hominum, ad hominis bene temperati, temperaturam reducat.

S verò bene temperatus dicitur, in quo sese habent decenter partes similes, instrumentariæ & quæ illas comitantur: partes similes tactu, visu iudicantur, tactu si quâdâ mediocritate, tangentis manû demulceant, visu quòd colore viuido perfundantur: instrumentariæ, quòd numero, magnitudine, situ, figurâ consent, vnde concinna totius corporis pulchritudo nascitur. Tales moderatè appetunt, appetita beneuolè assumunt, assumpta feliciter coquunt, cocta iustè distribuunt: artuum motu, sensuque vigent, non somnolenti, non perigiles, prudentes, humani, candidi, non temerè sunt audaces, non ignauè timidi, non cunctatores, non præcipientes, & quia id temperamenti, proprius accesserunt, tantò viuunt salubrius, quantò qui ab eo recesserunt, insalubrius.

Ergo ὁ κρᾶτον αἶμα τριψισμum.

Proponerbat IOANNES LE FOVRNIER BELLOVACENSIS Anno Domini 1601,

DOMINI DOCTORES DISPVATVRI.

M. Guillelmus l'Escaillon.
M. Nicolaus Jabot.
M. Anthonijs de Cappe.

M. Simon Pietre Professor Regius.
M. Joannes Duret Med. Reg.
M. Georgius Cornuti.

M. Nicolaus Ellain.
M. Guillelmus Debaillon.
M. Hieronimus de Monanthucil Prof. Reg.



227

70 11
101 81
171

81
81
162